



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2591/13
Sarajevo, 6.11.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 08-11-2013			
Organizaciona jedinica	Klasifikaciona oznaka	Redni broj	Broj prijema
01-50-1-15-52/13			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 67. sjednici održanoj 6.11.2013. godine, utvrdilo je Odgovor na zastupničko pitanje koje je postavila Nermina Čemalović, zastupnica u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupnici.

S poštovanjem,

GENERALNI TAJNIK
Zvonimir Kutleša



BOSNA I HERCEGOVINA
VIJEĆE MINISTARA

Broj: 05-50-1-2591/13
Sarajevo, 6.11.2013. godine

Nermina Ćemalović, poslanik u Predstavničkom domu Parlamentarne skupštine Bosne i Hercegovine, na 52. sjednici Predstavničkog doma održanoj 29.08.2013.godine, postavila je sljedeće poslaničko pitanje:

„Tražim da mi se dostavi podatak kada je pokrenuta procedura donošenja Zakona o organskoj proizvodnji BiH? Kada se očekuje upućivanje istog u parlamentarnu proceduru?“

Na postavljeno pitanje, Vijeće ministara Bosne i Hercegovine je na ~~67.~~ 67. sjednici održanoj ~~6.11.2013.~~ 6.11.2013. godine, utvrdilo sljedeći

ODGOVOR

U skladu sa Akcionim planom za realizaciju prioriteta iz dokumenta „Evropsko partnerstvo sa Bosnom i Hercegovinom“ u tačkama EP3.KP.084 - Izraditi nacrt propisa na državnom nivou za osiguranje kvaliteta organskih proizvoda, i EP3.SP.155 - Donijeti mjere na državnom nivou za osiguranje kvaliteta organskih proizvoda, i obaveza iz Mape puta sa ciljem stvaranja uslova za izvoz proizvoda životinjskog i biljnog porijekla, koje je usvojio Savjet ministara i kojim je planirana aktivnost izrade Zakona o organskoj proizvodnji BiH, Ministarstvo spoljne trgovine i ekonomskih odnosa BiH je početkom 2011. godine pokrenulo aktivnosti izrade domaćeg zakonodavstva hamonizovanog sa EU zakonodavstvom, a prije svega sa Prijedlogom Evropske komisije COM (2007) 657 od 06. novembra 2007. godine i Odluke Vijeća EU 2008/211/EC od 18.02.2008. godine.

Pripreme za izradu nacrtu Zakona o organskoj proizvodnji su pokrenute dostavljanjem dopisa nadležnim institucijama u Bosni i Hercegovini, i to; Ministarstvu poljoprivrede, šumarstva i vodoprivrede Republike Srpske, Federalnom ministarstvu poljoprivrede, vodoprivrede i šumarstva, Odjeljenju za poljoprivredu, šumarstvo i vodoprivredu Brčko Distrikta i Direkciji za evropske integracije BiH u kojem je traženo mišljenje o utvrđivanju teksta Prijedloga zakona o organskoj proizvodnji Bosne i Hercegovine kao i delegiranje članova u Radnu grupu za izradu Nacrta zakona.

Kontaktirane nadležne institucije su nominovale svoje predstavnike za rad u Radnoj grupi za izradu Nacrta zakona o organskoj proizvodnji BiH, osim Ministarstva poljoprivrede, šumarstva i vodoprivrede Republike Srpske koje je delegiralo članove za rad u Radnoj grupi samo u slučaju da se radi na izradi harmonizovanih Zakona o organskoj proizvodnji na nivou entiteta i Brčko Distrikta, koji će nakon toga biti dostavljeni u procedure razmatranja i usvajanja skupštinskih organa entiteta i Brčko Distrikta.

U cilju otklanjanja razlika u pristupu izrade ovog Zakona, Ministarstvo spoljne trgovine i ekonomskih odnosa BiH je organizovalo sastanak sa nominovanim članovima Radne grupe, i po zaključcima sastanka upućen je novi dopis Ministarstvu poljoprivrede, šumarstva i vodoprivrede Republike Srpske sa prijedlogom za ponovno razmatranje mišljenja s obzirom na dokumente koji obavezuju izradu Nacrta zakona o organskoj proizvodnji BiH i izjašnjenje o tome.

Ministarstvo poljoprivrede, šumarstva i vodoprivrede Republike Srpske je odgovorilo da ostaju pri ranijem stavu da mogu učestvovati u izradi zakona koji će biti usvojen od nadležnog organa svakog entiteta, i da Narodna skupština Republike Srpske u 2012. godini planira donošenje zakona u organskoj proizvodnji.

Plan je i realizovan, usvajanjem Zakon o organskoj proizvodnji u februaru 2013. godine („Službeni glasnik Republike Srpske“, broj:12/13).

Kako plan izrade Zakona o organskoj proizvodnji nije mogao biti realizovan zbog nepristajanja ključne entitetske institucije, Federalno ministarstvo poljoprivrede, vodoprivrede i šumarstva je u planu rada za 2013. godinu takođe planiralo izradu Nacrta zakona o organskoj proizvodnji. Službenici Federalnog ministarstva poljoprivrede, vodoprivrede i šumarstva su u skladu sa planom pripremili Prijedlog Nacrta zakona o organskoj proizvodnji i isti 01.07.2013. godine dostavili Kabinetu ministra sa prijedlogom za formiranje Radne grupe kako bi se Prijedlog uredio i u formi Nacrta uputio u parlamentarnu proceduru.

Zbog svega gore navedenog procedura izrade Nacrta Zakona o organskoj proizvodnji BiH, nije mogla biti započeta ni realizovana.




Broj: 05-50-1-2591/13
Sarajevo, 6.3.2014. godine

PARLAMENTARNA SKUPŠTINA BiH

- Zastupnički dom -

SARAJEVO



PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 85. sjednici održanoj 6.3.2014. godine, utvrdilo je Odgovor na zastupničko pitanje koje je postavila Nermina Čemalović, zastupnica u Zastupničkom domu Parlamentarne skupštine Bosne i Hercegovine.

U pravitku prosljeđujemo Odgovor radi njegovog dostavljanja zastupnici.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2591/13
Sarajevo, 6.3.2014. godine

Nermina Ćemalović, poslanik u Predstavničkom domu Parlamentarne skupštine Bosne i Hercegovine, nezadovoljna odgovorom Vijeća ministara BiH dopunila je pitanje postavljeno Ministarstvu vanjske trgovine i ekonomskih odnosa BiH na 52. sjednici Predstavničkog doma održanoj 29.08.2013. godine. Pitanje je glasilo:

„Tražim da mi se dostavi podatak kada je pokrenuta procedura donošenja Zakona o organskoj proizvodnji BiH? Kada se očekuje upućivanje istog u parlamentarnu proceduru?“

Dopunjeno pitanje, postavljeno na 57. sjednici Predstavničkog doma Parlamentarne skupštine Bosne i Hercegovine, održanoj 20.11.2013.godine i glasi:

„Ja molim da mi se dostave pismeno odgovori i mišljenja o utvrđivanju teksta Prijedloga Zakona o organskoj proizvodnji u BiH, tih nadležnih institucija znači u BiH, Ministarstva poljoprivrede, šumarstva i vodoprivrede oba entiteta, Odjeljenja za poljoprivredu u Brčko Distriktu i Direkcije za evropske integracije. Također hoću odgovor od Ministarstva vanjske trgovine i ekonomskih odnosa BiH – koji su načini da se prevaziđe data situacija, s obzirom na dokumente koji nas obavezuju za izradu Nacrta zakona o organskoj proizvodnji u BiH.“

Na postavljeno pitanje, Vijeće ministara Bosne i Hercegovine je na 85. sjednici održanoj 6.3.2014. godine, utvrdilo sljedeći

ODGOVOR

Ministarstvo vanjske trgovine i ekonomskih odnosa Bosne i Hercegovine (u daljem tekstu: MVTEO BiH) nije nadležno za izradu Prijedloga zakona o organskoj proizvodnji iz razloga što je riječ o materiji koja je, prema Ustavu BiH i ustavima Republike Srpske i Federacije BiH, u isključivoj nadležnosti entiteta. Iz navedenog razloga isto nije u mogućnosti da se pojavi u ulozi predlagača.

Veoma je važno napomenuti da za proizvođače u BiH nije bilo i nema nikakvih prepreka u trgovini organski proizvedenim poljoprivrednim proizvodima, bez obzira što odgovarajuće zakonodavstvo nije usvojeno u Federaciji BiH, jer je Evropska komisija priznala Organsku kontrolu „OK“ u BiH, kao ovlašteno kontrolno tijelo za certifikaciju organskih proizvoda namijenjenih izvozu na tržište Evropske unije, od oktobra 2011. godine. Izvoz organski proizvedenih poljoprivrednih proizvoda se svake godine povećava, i u izvozu ovih roba BiH ostvaruje suficit u međunarodnoj razmjeni.

Federalno ministarstvo poljoprivrede, vodoprivrede i šumarstva je u Planu rada za 2013. godinu predvidjelo izradu Nacrta zakona o organskoj proizvodnji. Službenici Federalnog ministarstva su u skladu sa Planom pripremili Prednacrt zakona o organskoj proizvodnji i isti 1. jula 2013. godine dostavili Kabinetu ministra sa prijedlogom za formiranjem Radne grupe kako bi se tekst uredio i u formi Nacrta uputio u parlamentarnu proceduru.

U Republici Srpskoj na snazi je Zakon o organskoj proizvodnji usvojen na Narodnoj skupštini Republike Srpske u februaru 2013. godine („Službeni glasnik Republike Srpske“, broj 12/13). Prije stupanja na snagu ovog zakona, predmetna materija u Republici Srpskoj bila je regulisana Zakonom o organskoj proizvodnji hrane („Službeni glasnik Republike Srpske“, broj 75/04).

U skladu sa svojim nadležnostima, MVTEO BiH je u proteklom periodu provodilo aktivnosti na organizovanju TAIEX tehničke pomoći i razmjeni iskustva, kako bi državni službenici iz entiteta stekli najbolja znanja, koja treba da iskoriste pri transpoziciji i implementaciji *EU acquis* iz oblasti organske proizvodnje u njihove pravne sisteme. U tom smislu, MVTEO BiH podržalo je učešće službenika iz entiteta u regionalnoj trodnevnoj TAIEX radionici pod nazivom: „Međunarodna radionica o politikama EU, regulativama i iskustvima država članica u oblasti organske proizvodnje“, koja je održana u periodu od 4. do 6. decembra 2012. godine.

Takođe, u decembru 2013. godine od strane TAIEX odjeljenja Generalnog direktorata za proširenje Evropske komisije odobreno je održavanje TAIEX ekspertske misije pod nazivom: „Projekcija postojećeg zakonodavstva o organskoj proizvodnji i preporuke za dalje usklađivanje zakonodavstva BiH sa EU, pregled i procjena postojećeg zakonodavstva i priprema za dalje usklađivanje u oblasti organske proizvodnje“.

Imajući u vidu značaj izvoza organski proizvedenih poljoprivrednih proizvoda, ali i broj certificiranih proizvođača koji se specijalizuju za ovu proizvodnju, potrebno je da entitetske institucije nadležne za poljoprivrednu proizvodnju ulože napore neophodne za preuzimanje standarda organske proizvodnje.